



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

APROBACIÓN DAS BASES REGULADORAS DAS AXUDAS ECONÓMICAS PARA RESPONDER AO IMPACTO PROVOCADO POLA COVID-19 NAS EMPRESAS E AUTÓNOMOS DO CONCELLO DE SARREAUS.

O pleno deste Concello de SARREAUS celebrado o día 19 de xaneiro de 2021, acordou aprobar as bases reguladoras da convocatoria de axudas económicas para responder ao impacto provocado polo COVID-19 nas empresas e autónomos do Concello de SARREAUS, co seguinte contido:

Antecedentes

A pandemia do coronavirus COVID-19 xerou circunstancias extraordinarias e graves que provocan unha crise sanitaria de enorme magnitude que afectou e segue afectando aos cidadáns e familias con consecuencias sanitarias, sociais e económicas excepcionais, que requiren a adopción de medidas extraordinarias co fin de axudar a mitigalas.

Ante a crise económica e de emprego, derivada da crise sanitaria que estamos a vivir son, unha vez máis, as administracións locais as que terán que realizar un esforzo económico a maiores, exercendo as súas coartadas competencias en materia de desenvolvemento económico local e de emprego, mediante o deseño dunha estratexia de promoción económica capaz de identificar a problemática local e derivar os escasos recursos económicos dos que se dispón para mitigar, na medida das súas posibilidades, as dificultades económicas de empresas e autónomos, xurdidas desta pandemia.

A evolución da situación epidemiolóxica derivada do COVID-19 na Comunidade Autónoma de Galicia creou un novo escenario social e político que implicou e implica a adopción de medidas de prevención específicas por parte dos diferentes gobernos, entre eles o ente local.

Esta medida vai acompañada dunha liña de axudas que se concederán en réxime de concorrencia non competitiva aos traballadores e traballadoras autónomos e empresarios que exerzan actividade, e que estarán destinadas a minimizar o impacto económico ocasionado pola evolución da situación epidemiolóxica derivada do COVID-19 no Concello de SARREAUS, e estarán reguladas polas seguintes bases:

Primeira.- Normativa aplicable

1.- O procedemento de concesión das subvencións é o de concorrencia non competitiva, previsto no artigo 19.2 da Lei 9/2007, do 13 de xuño, de subvencións de Galicia. Sen prexuízo das especificacións establecidas nestas bases, serán de aplicación ao procedemento e ás



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

subvencións que constitúen o seu obxecto as disposicións vixentes aplicables ao Concello de SARREAUS, integradas pola Lei 38/2003, do 17 de novembro, xeral de subvencións e o seu regulamento de desenvolvemento; pola Lei 9/2007, do 13 de xuño, de subvencións de Galicia, e as bases de execución do orzamento municipal, así como a Lei 39/2015, do 1 de outubro, do procedemento administrativo común das administracións públicas e calquera outra disposición normativa que pola súa natureza puidese resultar de aplicación.

2.- A xestión destas subvencións suxeitarase aos principios de publicidade, transparencia, obxectividade, igualdade e non discriminación, así como ao de eficacia no cumprimento de obxectivos e eficiencia na asignación e utilización dos recursos públicos.

Segunda.- Obxecto das axudas

1.- Axudas destinadas a paliar os efectos da crise da Covid-19 no tecido económico municipal. Estas axudas son compensatorias dos gastos derivados dos tributos municipais, de forma parcial, a aquelas actividades que sufriron cese ordinario ou extraordinario segundo o RD 30/2020 de 29 de setembro, ou viron reducidas as rendas do traballo polo minoración de clientes, debido aos peches perimetrais ao longo do ano 2020 ou ben á redución de aforos nas súas actividades económicas.

2.-So poderá haber unha solicitante por actividade/ local .

Terceira.- Beneficiarios:

Serán destinatarios das axudas poderán optar as axudas:

Autónomos ou empresas con actividades en locais de atención ao público.

Quedan excluídas actividades de atención á saúde das persoas (residencia de maiores e farmacia)

Os beneficiarios deberán cumprir os seguintes requisitos:

1.- Persoas físicas

a) Ser traballadores/ras autónomos, incluídos no réxime especial de traballadores autónomos. Entenderanse incluídos todos os traballadores aos que se refire o artigo 1 da Lei 20/2007, de 11 de xullo, do Estatuto do traballo autónomo, coa excepción dos autónomos colaboradores (cónxuxe ou familiares até o segundo grado de consanguinidade, afinidade ou adopción que convivan co traballador autónomo titular da actividade económica, realicen traballos retribuídos e non teñan a consideración de traballadores por conta allea).

b) Atoparse de alta no correspondente réxime de Seguridade Social.

c) Estar ao corrente no pago dos impostos locais, autonómicos e estatais.



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

2.- Persoas xurídicas

- a) Ser sociedades legalmente constituídas.
- b) Atoparse de alta no correspondente réxime de Seguridade Social.
- c) Estar ao corrente no pago dos impostos locais, autonómicos e estatais.
- d) Ter o domicilio social da empresa no termo municipal de SARREAUS.

Cuarta. Disponibilidade orzamentaria

Para o financiamento das subvencións obxecto desta convocatoria existe crédito adecuado e suficiente na aplicación orzamentaria 241.479 ata un máximo de 5.000,00 € (euros).

Quinta.- Contía máxima

A cuantía da axuda será de 500 euros por autónomo.

Sexta.- Solicitudes: prazos, lugar de presentación e documentación

1.- As solicitudes deberán presentarse no Rexistro Xeral do Concello de SARREAUS ou en calquera dos lugares previstos no artigo 38.4 da Lei 30/1992, do 26 de novembro (norma vixente, conforme ao establecido na Disposición final 7ª da Lei 39/2015, do 1 de outubro, do procedemento administrativo común das administracións públicas).

A presentación poderá realizarse de modo presencial ou telemático (obligatorio en caso de empresas), neste último caso a través da sede electrónica do Concello de SARREAUS (<https://concellosarreaus.sedelectronica.gal>) utilizando o trámite de solicitude de instancia xeral dispoñible na sede. Para a presentación de solicitude por medios electrónicos, é necesario dispoñer dos certificados electrónicos recoñecidos ou cualificados de sinatura electrónica.

2.- O prazo de presentación será de 20 días DIAS NATURAIS a partir do día seguinte da súa publicación no BOP de Ourense .

3.- As presentes bases, xunto co modelo de solicitude normalizado para a obtención das axudas reguladas na presente convocatoria estará dispoñible na web municipal www.concellosarreaus.com e na sede electrónica <https://concellosarreaus.sedelectronica.gal>, onde de poderá descargar o modelo de solicitude e posteriormente presentala a taves da sede do Concello de Sarreaus: <https://concellosarreaus.sedelectronica.gal>

4.- A presentación da solicitude de axuda fóra do prazo establecido e a non utilización, se é o caso, do formulario normalizado de uso obrigatorio, serán causas de non admisión da solicitude.



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

5.- Coa solicitude deberá achegarse a seguinte documentación:

Persoas físicas:

- Solicitude segundo o modelo normalizado que figura como Anexo a estas bases
- DNI ou NIE do/a solicitante
- Documento do poder de representación en caso de tramitarse mediante representante
- Certificación censal de alta na Seguridade Social
- Documento acreditativo da actividade no local durante o ano 2020
- Certificados de estar ao corrente das súas obrigas coa Seguridade Social
- Certificado de titularidade da conta bancaria onde desexa que se realice o ingreso da subvención

- Persoas xurídicas:

- Solicitude segundo o modelo normalizado que figura como Anexo a estas bases
- DNI ou NIE do/a representante da entidade/sociedade
- Documento do poder de representación en caso de tramitarse mediante representante
- NIF e escritura de constitución da entidade xurídica
- Certificación de situación censal de alta na Seguridade Social
- Documento acreditativo da actividade no local durante o ano 2020
- Certificados de estar ao corrente das súas obrigas coa Seguridade Social; e co Concello de Sarreaus-
- Certificado de titularidade da conta bancaria onde desexa que se realice o ingreso da subvención

6.- A esixencia da documentación indicada xustifícase pola falta de dispoñibilidade de acceso a esta a través das plataformas de intermediación de datos das administración públicas.

7.- En caso de dúbida, dificultades técnicas ou necesidade de máis información para a presentación da solicitude, as persoas interesadas poderán dirixirse ao Concello mediante correo electrónico dirixido a administracion@concellosarreaus.com, indicando a consulta que se formula e un teléfono de contacto. Esta posibilidade estará dispoñible durante o prazo de presentación de solicitudes.

Sétimo.- Tramitación e xestión das solicitudes e concesión de axudas.

1.- Sen prexuízo da posibilidade da presentación das solicitudes de modo presencial, a súa tramitación será exclusivamente electrónica, de conformidade co disposto no artigo 14.3 da Lei 39/2015, do 1 de outubro, do procedemento administrativo común das administración públicas.

En consecuencia, todas as notificacións que se practiquen no procedemento realizaranse de forma electrónica na sede electrónica do Concello. En defecto do dito enderezo de correo



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

electrónico, as notificacións practícaranse en todo caso na sede electrónica do Concello, sen que a falla de remisión do aviso da posta a disposición da dita notificación impida que esta desprenda os seus efectos.

2.- Recibidas as solicitudes, os servizos administrativos do Concello de SARREAUS procederán ao seu estudo, tramitándose nos seguintes termos:

a) No caso de que a documentación presentada estivese incompleta o Concello remitíralles mediante notificación electrónica un requirimento de emenda de deficiencias, concedendo un prazo de dez días hábiles para a presentación da documentación ou emenda de erros que proceda.

b) No caso de que a documentación presentada estivese completa, formularase proposta de resolución de concesión ou denegación da subvención, da que se dará traslado á Alcaldía, que resolverá o que proceda, concedendo a subvención no caso de que cumpra os requisitos establecidos ou denegándoa en caso contrario.

A resolución que se dite notificarase de forma electrónica aos interesados. No caso de que a resolución conceda a subvención, a mesma incluírá a orde de pagamento ao beneficiario.

As resolucións que se diten neste procedemento esgotan a vía administrativa, e contra elas cabe interpoñer un recurso contencioso - administrativo no prazo de dous meses ante o Xulgado do Contencioso-Administrativo de Ourense, de conformidade co previsto na Lei 29/1998, do 13 de xullo, reguladora da xurisdición contencioso-administrativa. Poderase formular, con carácter potestativo, recurso de reposición no prazo dun mes, ante o mesmo órgano que ditou a resolución impugnada, de acordo coa Lei 39/2015, do 1 de outubro. Non poderán simultanearse ambos os dous recursos.

Oitava.- Xustificación da axuda

En atención ao previsto no artigo 28.9 da Lei 9/2007, do 13 de xuño, de subvencións de Galicia, toda vez que a concesión da subvención está motivada pola concorrencia no solicitante da situación definida na base 3ª, as subvencións entenderanse xustificadas polo acto da concesión.

Sen prexuízo do anterior, a Intervención do Concello poderá realizar controis financeiros das subvencións pagadas e concedidas, de conformidade co establecido no título III da Lei xeral de subvencións. Agás no caso de que as actuacións de control financeiro se estendan á totalidade dos beneficiarios, a súa realización levarase a cabo sobre unha mostra de beneficiarios determinada de xeito aleatorio, debendo quedar constancia no expediente do procedemento seguido para a súa determinación.

Se no procedemento de control financeiro se advertise a existencia de causas legais de reintegro previstas na Lei xeral de subvencións, o Concello iniciará de oficio os expedientes correspondentes, dentro do prazo de prescrición da acción de reintegro.



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

Novena.- Obrigas dos beneficiarios

Son obrigas dos beneficiarios:

1ª) Someterse ás actuacións de comprobación e control financeiro previstas pola lexislación vixente en materia de subvencións.

2ª) Proceder ao reintegro dos fondos percibidos nos supostos contemplados nos artigos 36 e 37 da Lei xeral de subvencións, e en particular, por obter do Concello de SARREAUS unha subvención falseando as condicións requiridas ou ocultando aquelas que a tivesen impedido, ou mostrar resistencia, escusa, obstrución ou negativa ás actuacións de comprobación e control financeiro.

Décima.- Compatibilidade

A percepción desta axuda será compatible con calquera outra axuda concedida polo Estado, pola Comunidade Autónoma de Galicia, pola Deputación Provincial de Ourense ou por calquera outra administración pública diferente ao Concello de Sarreaus.

Décimo primeira.- Normativa supletoria

En todo o non disposto nestas bases seralle de aplicación á convocatoria e ás subvencións que se conceden ao seu abeiro, o disposto na Lei 38/2003 xeral de subvencións e a Lei 9/2007, de subvencións de Galicia, os seus regulamentos de desenvolvemento no que sexa de aplicación á Administración local, así como a lexislación aplicable en materia de réxime xurídico das administracións públicas e do procedemento administrativo.

Décimo segunda.- Réxime de protección dos datos achegados coa solicitude

1.- O tratamento polo Concello dos datos persoais achegados polos solicitantes fúndase no disposto nos apartados c) e e) do artigo 6 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos, así como no na Lei orgánica 3/2018, do 5 de decembro, de protección dos datos de carácter persoal, ao ser a achega dos datos e informacións esixida nas presentes bases necesaria para o cumprimento do disposto na lexislación xeral de subvencións, así como para a comprobación do cumprimento dos requisitos e valoración das solicitudes consonte ao indicado nas propias bases.

En consecuencia, a negativa a facilitar estes datos ao Concello determinará a exclusión da persoa interesada do procedemento.

En cumprimento do establecido nos artigos 20 da Lei 38/2003 xeral de subvencións e 8.1.c) da Lei 19/2013, do 9 de decembro, de transparencia e bo goberno, a información relativa ás subvencións concedidas será obxecto de publicación na páxina web do Concello (www.concellosarreaus.com)



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

Non obstante ao anterior, e de conformidade co establecido no artigo 20.8.b) da Lei Xeral de Subvencións, non serán obxecto de publicación os datos persoais dos beneficiarios, que unicamente se cederán a terceiros nos supostos previstos no apartado e) desta base, se é necesario para a satisfacción do interese lexítimo seguido polo responsable do tratamento o polo terceiro ao que se comuniquen os datos, sempre que non prevaleza o dereito do interesado de acordo coa normativa de protección de datos.

A estes efectos, na publicación cada subvención concedida identificarase exclusivamente polo número de rexistro de entrada da solicitude correspondente. As publicacións referidas manterase durante un prazo mínimo de catro anos dende a realización da publicación, podendo, a partir dese prazo, ser suprimida de xeito motivado a publicación de oficio polo Concello ou ben a solicitude das persoas interesadas, dirixida ao responsable do tratamento.

Os datos subministrados ao Concello serán tratados polo persoal autorizado para a tramitación da solicitude, suxeitos a deber de reserva.

Sen prexuízo do anterior, os datos subministrados polo solicitante poderán ser cedidos a terceiras persoas nos seguintes casos:

1) A membros da Corporación que o soliciten, aos xulgados e tribunais, para os efectos da resolución dos recursos xudiciais que poidan interpoñerse contra a decisión de adxudicación, así como ao Ministerio Fiscal, Valedor do Pobo, Defensor do Pobo, Tribunal de Contas e Consello de Contas, na medida en que sexa necesario para o exercicio das funcións destas autoridades públicas.

2) Ás persoas que o soliciten ao abeiro do disposto na Lei 19/2013, do 9 de decembro, de transparencia e bo goberno, previo expediente contradictorio con audiencia do/a interesada/o titular dos datos e nos termos previstos na dita lei.

En todo caso, as/os interesadas/os poderán formular as reclamacións que considere oportunas en relación co tratamento dos seus datos persoais ante a Axencia Española de Protección de Datos.

Dando cumprimento ao referido acordo, procédese á publicación íntegra destas bases para xeral coñecemento, mediante anuncios na sede electrónica do Concello de Sarreaus, no taboleiro de anuncios e no Boletín Oficial da Provincia de Ourense.

Advírtese que contra este acordo pódense interpoñer os seguintes recursos:

En caso de particulares, pódese interpoñer, potestativamente, un recurso de reposición ante o alcalde deste concello, no prazo dun mes, como trámite previo ao contencioso-administrativo, ou ben directamente un recurso contencioso-administrativo, ante o Xulgado Provincial do Contencioso-Administrativo, no prazo de dous meses, sen que se poidan compaxinar ambos os



CONCELLO DE SARREAUS (OURENSE)

Praza do Toural, nº 1 C.P. 32631 Tel. 988 45 40 02 Fax. 988 45 43 72

dous recursos. Os prazos indicados computaranse a partir do día seguinte ao da publicación deste anuncio no BOP.

No caso de administracións públicas, pódese interpoñer un recurso contencioso-administrativo no prazo de dous meses ante o Xulgado do Contencioso-Administrativo de Ourense. Ademais, ao abeiro do disposto no artigo 44 da Lei reguladora da xurisdición contencioso-administrativa, poderá formularse requirimento de anulación ou revogación do acto, no prazo de dous meses e con carácter previo ao exercicio de accións en vía contenciosa. Os prazos indicados computaranse a partir do día seguinte ao da publicación deste anuncio, tendo en conta que o prazo para a interposición do recurso contencioso-administrativo, no caso de que se formule o requirimento previo, contará dende o día seguinte a aquel no que se reciba a comunicación do acordo expreso sobre o dito requirimento ou se entenda presuntamente rexeitado. Non obstante o anterior, poderá interpoñerse calquera outro recurso que se estime pertinente.

O Alcalde

Asdo.: Gumersindo Lamas ALVAR